



Broj: 01-07-10-100-1/2025

Datum: 9.1.2025. godine

## Izveštaj o zaprimljenim i riješenim zahtjevima za pristup informacijama u periodu od 1.10.2024. godine do 31.12.2024. godine

Ovaj Izveštaj je dio izvršenja zakonske obaveze proizašle iz člana 17. Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/3; u daljem tekstu: Zakon).

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je u periodu od 1.10.2024. godine do 31.12.2024. godine, **zaprimilo 32 zahtjeva za pristup informacijama, te 1 žalbu** izjavljenu Žalbenom vijeću pri Vijeću ministra Bosne i Hercegovine, koje su obrađene u skladu sa odredbama navedenog Zakona. Tražene informacije odnosile su se na audio zapise sa sjednica VSTV-a BiH, statističke podatke iz Sistema za automatsko upravljanje predmeta u sudovima i tužilaštvima (CMS i TCMS), odluke i druge podatke iz disciplinskih postupaka protiv nosilaca pravosudnih funkcija, nacionalnu strukturu kandidata i druge informacije u vezi sa konkursnim procedurama u VSTV-u BiH, informacije u vezi sa imenovanjima nosilaca pravosudnih funkcija, statuse predmeta i druge informacije iz predmeta Ureda disciplinskog tužioca VSTV-a BiH, statističke podatke o završenim predmetima zbog nastupanja zastare, informacije o vremenskim rokovima za postupanje po predmetima, kriterije za ocjenjivanje, podatke iz nadležnosti pravosudnih i drugih institucija, te podatke o primanjima uposlenika VSTV-a BiH.

Od navedenog ukupnog broja zaprimljenih zahtjeva za pristup informacijama, 23 (dvadeset tri) zahtjeva su uputila fizička lica, u 7 (sedam) slučajeva podnosioci zahtjeva su bila pravna lica, te su 2 (dva) zahtjeva uputili novinari različitih medijskih kuća.

Pristup informacijama **odobren** je u 9 (devet) slučajeva u skladu sa članom 25. stav (1), a u vezi sa članom 26. stav (4) Zakona.

**Djelomično** je **odobren** pristup informacijama u 5 (pet) slučajeva, na način da je podnosiocu zahtjeva dostavljen dio informacija traženih zahtjevom, dok je u dva slučaja odbijen pristup dijelu informacija iz disciplinskog postupka, u dva slučaja je odbijen pristup informacijama zbog neposjedovanja istih i u jednom je odbijen pristup materijalima sa sjednice VSTV-a BiH, u skladu sa odredbama Poslovnika VSTV-a BiH.

U navedenom periodu zaprimljena su 4 (četiri) zahtjeva koja su **van nadležnosti** VSTV-a BiH, te su, shodno zakonskoj proceduri, prosljeđena nadležnim tijelima na dalje postupanje.

Pristup informacijama **odbijen** je u 2 (dva) slučaja, te je u 4 (četiri) slučaja zahtjev zaključkom **odbačen kao neuredan** jer nije sadržavao obavezne elemente zahtjeva za pristup informacijama, dok je u 2 (dva) slučaja zahtjev zaključkom **odbačen zbog nenadležnosti**.

U 2 (dva) slučaja upućen je **poziv za ispravku**, u skladu sa odredbama člana 23. stav (3) Zakona, odnosno člana 25. stav (2) i stav (5) Zakona te je u 4 (četiri) slučaja podnosiocima zahtjeva upućena obavijest da se **podnesak ne smatra zahtjevom**, u skladu sa članom 23. stav (6) i članom 26. stav (2) Zakona, budući da zahtjeva analitiku i kreiranje nove informacije.

U navedenom periodu, upućena je 1 (jedna) **žalba Žalbenom vijeću pri Vijeću ministra Bosne i Hercegovine** (u daljem tekstu: Žalbeno vijeće), na koju je VSTV BiH dostavio Izjašnjenje Žalbenoj komisiji o činjeničnom stanju u spisu. Rješenje Žalbene komisije u ovom predmetu do kreiranja ovog Izvještaja nije doneseno.

Prema informacijama kojima raspolaže Vijeće, nije bilo inspekcijskog nadzora i registrovanih prekršaja zbog povrede prava na pristup informacijama i ponovne upotrebe dokumenta.

Sastavni dio ovog Izvještaja čini detaljni statistički pregled zahtjeva za pristup informacijama koje je VSTV BiH zaprimio u skladu sa Zakonom u formi Excel tabele.

Izvještaj sačinila:



Edisa Šikalo, službenica za informisanje